



Publicaziuns dalla vischnaunca, jamna 16

Damonda da baghegiar

2015-1013.000

Datum dalla publicaziun: 17 d'avrel 2015

Il patrun: Petra Kline e Sandro Sbicego, Hartbertstrasse 17, 7000 Chur

Il representant: Stefan Höhn e Salome Fravi, Biglet 16, 7418 Tomils

Object: Sanaziun dalla casa, parcella 86, Via Foppas 32, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 14 d'avrel 2015

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 24 d'avrel 2015** allas 2015 en casa communal.

Tractandas:

1. Protocol nr. 20-2013/2016
2. Rapport da gestiun e quen 2014 (messadi nr. 25-2013/2016)

Il president dil cussegl da vischnaunca

Cussegl da vischnaunca

Eleccziun complementara

En consequenza dalla demissiun da cusseglier Marco Schmed ha la suprastanza communal supplicau da proponer entochen la fin da mars 2015 candidatas e candidats per in'elecziun complementara pil rest dalla perioda d'uffeci 2013/16.

Enteifer il termin fixau ei vegniu inoltrau las suandontas duas propostas:

- Adrian Deflorin, 1976, Cuoz, maridaus, substitut menader da credits bancars
- Pablo Maissen, 1982, Vitg, ledis, cautren

L'elecziun complementara ha liug ils 14 da zercladur 2015. Sebasond sin la lescha communal davart ils dretgs politics e per saver reparter a temps la documentaziun per l'elecziun, ha la suprastanza communal fixau il termin dils 7 da matg 2015 per inoltrar ulteriuras propostas. Il dretg da proponer candidatas e candidats han vischinadis, partidas politics localas ni gruppas da silmeins 15 votants. Las propostas ein d'inoltrar a scret all'administraziun communal.

Suprastanza communal



Sanaziun dalla via da quartier Via Sogn Placi

Introducziun dalla procedura da contribuziun (perimeter) – Repetiziun dalla procedura

En connex cun l'introducziun dalla procedura da contribuziun, stada publicada ils 21 da fevrer 2014, ei vegniu inoltrau entginas protestas. A vesta dil fatg che la procedura da contribuziun davart la Via Sogn Gions era il medem mument pendent, ei la procedura da contribuziun Via Sogn Placi vegnida sistida. La suprastanza communal ha decidiu d'extender igl intschess da contribuziun.

Risguardond il fatg ch'igl intschess da contribuziun vegn extendius ei la procedura sin fundament dallas prescripziuns dil art. 23, al. 2 dall'ordinaziun davart la planisaziun dil territori pil cantun Grischun da repeter. Consequentamein ei la protesta dils vischins encunter la decisiun dalla suprastanza communal, communicada dils 18 da fevrer 2014, liquidada e sa vegnir scretta giu.

La procedura da contribuziun sedrezza tenor las prescripziuns dils art. 58 - 64 dalla lescha davart la planisaziun dil territori (LPT) e dils art. 22 - 27 dall'ordinaziun davart la planisaziun dil territori dil cantun Grischun (OPT).

Egl emprem pass communichescha la suprastanza communal l'intenziun d'introducir la procedura da contribuziun per la sanaziun dalla Via Sogn Placi. El medem mument fixescha ella l'interessenza publica resp. privata, la part dil implont suttamess alla procedura da contribuziun sco era la cunfinaziun previda pil territori da contribuziun (perimeter).

Alla procedura da contribuziun ein suttamess:

– La suprastanza communal ha el senn dallas prescripziuns d'art. 63 dalla lescha davart la planisaziun dil territori dil cantun Grischun fixau l'interessenza publica a 20% e la privata ad 80%.
– Il territori da contribuziun secuviera cul cunfin dalla zona da baghegiar a Sogn Placi, numnadamein:

– La zona da habitar mischedada
La zona da magasinar
La zona per baghetgs pigns ed annexs

Il territori suttamess alla procedura da contribuziun sorta dil plan da situaziun exponiu.

Il plan da situaziun cul territori suttamess alla procedura da contribuziun ed il conclus dalla suprastanza communal davart la fixaziun dall'interessenza publica resp. privata ein publicai naven dils **17 d'avrel 2015** en casa communal (stanza 10). Encunter l'intenziun d'introducir la procedura da contribuziun, la fixaziun dall'interessenza publica resp. privata e la cunfinaziun dil territori da contribuziun sa, el senn dallas prescripziuns d'art. 23 OPT, vegnir protestau enteifer 30 dis dapi la publicaziun officiala alla suprastanza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar.

Per ulteriur sclariment stat il menader dil uffeci da baghegiar, Ervin Maissen (tel. 081 920 36 46 ni e-mail: baghegiar@disentis.ch) suenter preannunzia bugen a Vossa disposiziun.

Disentis/Mustér, ils 15 d'avrel 2015
Suprastanza communal Disentis/Mustér



Plan da quartier Via Veglia Publicaziun officiala

Sebasond sin art. 51 dalla lescha davart la planisaziun dil territori pil cantun Grischun (KRG/LPT) ed art. 18 dall'ordinaziun davart la planisaziun dil territori pil cantun Grischun (KRVO/OPT) vegn publicau officialmein suandonta documentaziun tiel plan da quartier Via Veglia:

- Prescripziuns tiel plan da quartier
- Plan da quartier, plan davart il possess actual 1:200
- Plan da quartier, plan davart il possess niev 1:200
- Plan da quartier, plan da formaziun 1:200
- Plan da quartier, plan d'avertura e servituds 1:200
- Examinaziun dil plan da quartier entras igl uffeci funsil (mutaziun)

Dil plan da quartier Via Veglia sa vegnir priu envesta durant 30 dis naven dils 17 d'avrel entochen ils 18 da matg 2015 en casa communal (stanza 10) durant las uras da spurtegl.

Durant il temps d'exposiziun sa vegnir fatg protesta alla suprastanza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar. Legitimai d'inoltrar ina protesta ein personas che san far valer enviers la planisaziun da quartier interess personals, digns da vegnir protegi ni ch'ei legitimai leutier sin fundament dil dretg federal.

Disentis/Mustér, ils 15 d'avrel 2015
Suprastanza communal

Plazs da lenna

Las lavurs da reparaziun dils donns d'uau caschunai entras la neiv digl atun vargau han entschiet. Muort ils gronds quantums lenna ston ils plazs da lenna per liung dallas vias d'uau esser libers per saver sglar la lenna e rasenar quella. Sin divers plazs e per liung dallas vias d'uau sesanflan plunas lenna ed era material da privats. Quels depots ston vegnir rumi entochen ils 30 d'avrel 2015. Succeda quei buca sil termin fixau, vegn il sorprendider incaricaus cun la lavur ed ils cuosts vegnan adossai al pertuccau. Ei setracta dallas vias da Runfoppa, Plaun Menisch, Cunel ed Aletta –Pardi.

Bien engraziament per la capientscha
Uffeci forestal Disentis/Mustér

Serrada dalla via Pardomat

Igl uffeci cantunal da construcziun bassa dil Grischun realisescha la sanaziun generala dalla via da comunicaziun a Pardomat.

Durond las lavurs da construcziun sto la via vegnir serrada per scadin traffic sil tschancun, Punt Russein entochen Madernal e quei sco suonda:

Gliendisdis, ils 27 d'avrel entochen venderdis, ils 31 da fenadur 2015, mintgamai ils luverdis, dallas 7.00 entochen allas 18.00.

In'untgida ei pusseivla sin la via da comunicaziun Mustér–Cavardiras–Pardomat per vehichels entochen 11 t. Per damondas san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14.

Nus engraziein per Vossa capientscha.
Disentis/Mustér, ils 7 d'avrel 2014

*Uffeci da construcziun bassa dil Grischun
Pius Cavegn*



Exposiziun publica project da via e damonda da runcar

H19 Via Alpsu

Tschancun: Lumpegna (Stalusa) – Disentis/Mustér, km 49.330 – km 51.080

Correctura dalla via existenta

Project da publicaziun nr. 19.4761 dil fevrer 2015

1. Liug e termin d'exposiziun

Ils documents dil project cun la damonda da runcar ein exponi per investa publica en casa communal Disentis/Mustér naven dils 20 d'avrel 2015 entochen ils 20 da matg 2015 (art. 20 dalla lescha cantunala da vias; StrG, BR 807.100). Dils documents da publicaziun sa era vegnir priu investa sut www.tiefbauamt.gr.ch > Aktuelles. La nova lingia dalla via (mellen) e las lingias da construcziun (blau) ein indicadas e marcadas ella cuntrada.

2. Damondas per lubientschas specialas

Suandontas damondas ein part dil project:

- Damonda per ina lubientscha da deviar las auas schubras en in prefluent tenor art. 7, al. 2 dalla lescha davart la protecziun dallas auas.
- Damonda per ina lubientscha da curclar ni canalisar ils dutgs libers tenor art. 38, al. 2 dalla lescha davart la protecziun dallas auas.
- Damonda da runcar tenor art. 5 dalla lescha federala d'uual.

3. Restricziun dil dretg da disponer

Naven dil di dall'exposiziun publica dil project ein projects da construcziun enteifer igl areal cum-pigliau sutmess ad ina lubientscha dil Departament da construcziun, traffic e selvicultura dil Grischun. Quella lubientscha vegn concedida, aschinavon ch'il project da construcziun ha neginas consequenzas engrevegiontas sigl acquist da terren ni la realisaziun dil project.

4. Protestas

4.1 Legitimaziun

Tgi ch'ei pertuccaus dil project d'exposiziun e che sa far valer in interess digns da vegnir protegius d'abolir ni midar quel ei legitimus d'inoltrar ina protesta. Plinavon ein las vischnauncas pertuccadas dil project e tgi ch'ei entras dretg federal legitimus leutier autorisai da far protesta.

4.2 Objecziuns

Ei sa vegnir fatg valer:

- a) Protestas enviars il project, en special protestas encunter il project da construcziun e las lingias da construcziun sco era encunter in'eventuala expropriaziun e sia grondezia.
- b) Damondas d'indemnisaziun, cunzun pretensiuns per dretgs dumandai ni autras pretensiuns che sedattan ord la lescha cantunala d'expropriaziun. La purificaziun da quellas pretensiuns succeda suenter l'approbaziun dil project en connex cun la procedura pigl acquist da terren.

4.3 Termin ed adressat

Protestas ein d'inoltrar enteifer il termin d'exposiziun a scret cun ina cuorta argumentaziun al Departament da construcziun, traffic e selvicultura dil Grischun, Stadtgartenweg 11, 7000 Cuera. Eventualas objecziuns encunter la damonda da runcar ein d'inoltrar cun ina protesta separada alla medema adressa.

Sch'ei vegn fatg valer posteriuramein pretensiuns d'indemnisaziun, ein las consequenzas da negligentscha tenor art. 17 dalla lescha canunala d'expropriaziun da risguardar.

Cuera, ils 8 d'avrel 2015

*Departament da construcziun, traffic e selvicultura dil cantun Grischun
Dr. Mario Cavigelli, cusseglier guvernativ*



Controlla da habitonts

Naschientschas

Linard Anton Berther, naschius ils 19 da mars 2015 fegl da Toja Maissen-Berther e David Berther

Mael Kian Loretz, naschius ils 3 d'avrel 2015 fegl da Clarissa e Christian Loretz-Duff

Evangelisch ref. Kirchgemeinde der Cadi

Ordentliche Kirchgemeindeversammlung der Ev.-ref. Kirchgemeinde der Cadi am **Montag, 11. Mai 2015**, um 19.30 Uhr im Kirchgemeindezentrum Aua Viva in Disentis.

Liebe Kirchgemeindemitglieder, der Kirchgemeindevorstand lädt alle recht herzlich zu unserer Frühjahrsversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden:

1. Begrüssung
2. Wahl der Stimmenzähler/innen
3. Genehmigung des Protokolls der Kirchgemeindeversammlung vom 9.11.2014
4. Jahresbericht des Pfarramts, der Kantordin und des Vorstandes
5. Jahresrechnung der Kirchgemeinde 2014, Bericht der Revisorinnen
6. Anträge
7. Infos und Varia

Anträge zuhanden der Kirchgemeindeversammlung sind schriftlich bis spätestens 27. April 2015 an die Ev.-ref. Kirchgemeinde, z.H. der Präsidentin C. Defuns-Kohler, Tumvi 14, 7163 Danis zu senden.

Der Kirchgemeindevorstand: Corinne Defuns-Kohler, Silvia Berther, Susanne Strupler und Hans Moeckli

Uniun da dunnas Mustér

Viadi – Ils 22 e 23 d'uost 2015 va l'uniun da dunnassin viadi a Thun

Program:

Sonda: viseta dil museum svizer el liber Ballenberg e la sera viseta dil musical «Romeo e Giulietta» sin la tribuna dil lag.

Dumengia: viadi cun bastiment da lun a Beatenbucht e naven da leu cun las gondlas sil Niederhorn a brunch/gentar.

Annunzias ein da far entochen ils 20 d'avrel 2015 tier Candinas Fabiana 081 947 42 88 ni 079 373 61 58

Forum cultural internaziunal Disentis/Mustér

La radunonza generala dil Forum cultural internaziunal (FCIM) Disentis/Mustér ha liug mes-jamna, ils 22 d'avrel 2015 allas 19.30 en canzlia communalplaun terren. Tuts commemberAs ein cordialmein envidai!

la presidenta



Producziuns finalas

Movis – Moviment e Sault

11 gruppas d'affons, da giuventetgna e carschi festiveschan 15 onns plascher da saltar e presentan

venderdis, ils 17-4-2015, allas 20.00
sonda, ils 18-4-2015, allas 17.00 + 20.00
dumengia, ils 19-4-2015, allas 14.00

Iur coreografias en halla Cons a Mustér.
Sin Vossa viseta selegran

ils Movis

Sentupada Nordic-Walking

Naven dils 22 d'avrel 2015 serimnein nus puspei mintgamai mesjamna allas 19.30 avon halla Cons.

Prender part sa tut tgi che ha plascher da ir cun festa e far pintgas turas en cumpignia.

Erna Hosang

Apparats d'udida

Gliendisdis, ils 20 d'avrel 2015 saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch per tuts interessents gratuitamein.

Cordiala invitaziun
Puntreis, center da sanadad

Desertina Bulls

Radunonza generala dils Desertina Bulls, sonda ils 18.4.2015 allas 20.00 el Hotel La Furca a Mustér.

Mira www.desertinabulls.ch

Radunonza generala dils dretgs e dalla caschada alp Nalps Tegia Miez

Gievgia, ils 16 d'avrel 2015 allas 20.15 ella ustria Crestas Segnas. Suenter radunonza vegn offeriu in pign puschengn.

A stedia partizipaziun envida